

benemptem vnd vnbenemptem, frylich vnd Willentlich vollefürt vnd beschehen Als daz der obgedaht h e n s l i g a s n e r ³ / Vnd all sin erben die selben vnser Alpp D r â s g m i e l ⁴ jn jrn Marchen, mit allen zûgehorden jn Rehtz Erblehens wise vnd Rehten nu fúro jemêre / mere gantzlich jnne haben han, Waydan, Mâyan, hõwan, Bûwan, nützzzen, niessen, handlen vnd versorgen sond vnd mugent, Wie jnen denn je / lieb, nutzlich vnd fûgklichen ist, als ândrü jrú gût, âne vnser selbs alder vnser erben vnd nahkomen gmain, als sunderbar sumen, vnd jerren / vngeuarlich. Vnd daz och mitnamen wann ald wie dik jetz oder hienach jnen das notdurftig ist, ald wirt von snews oder anders Vnwetters vnd / sachen wegen Er ald sin erben mit jro vehe waz daz ist, alle zit, wol herab in die Alp v a l l ú l ⁵ fliehn vnd wychen zû vns, vnsern hirten / vnd zû Vnsern vehe sond vnd mugend ob sú wend, vnd sich da enthalten vntz daz es besser wirt, doch also daz sú jro hirten by jro vyhe da ha- / bent, vnd och die selb milch dann je dalassend als dik es ze schulden kunt, vber kurtz, oder lang vngeuarlich. Sû mugend och allenart / Desselben tags als ab sich daz gefûgt mit jro Vehe wol wider vf jn d r a s g m i e l ⁴ varn, ob daz wetter wider als gût wirt, Daz sú dann / Je gedenkent, alder sú dunkt. Daz sú beliben mugind. Daz wir noch niemat an vnser statt sú daran och nit schâdegen súmen noch jerren / niemer jn kain Wise sõllind, lutzel noch vil an alle geuârde. Der selb h e n s l i g â s n e r ³ all sin erben, nahkomen, Wer denn je nach jnen daz ob- / gnant Älppli vnd lehen jnne hât oder nússet. sond och mitgedingde. vns allen vnsern erben vnd nahkommen járklich je Vff Sant Martis / tag. Oder jn den nehsten aht tagen vor ald nah âne geuârde, Daran ze Rehtem Ewigen Erbzinse, jemmer mere. Rihten, geben, vnd âne vnsern / schaden jn der aydswerren ze t r i s e n ains hand oder gwalt, wer der je denne ist. Erberelich antivrtten, Ain phund, gûter gnâmer gewonlicher / Phennig Costentzer mûns, Als denne je des járes hie ze land Offenlich geng, vnd löfffig ist, ân als geuare. . . Beschiht daz dehains járes / nit, vber kurtz, oder lang zit. So ist vns daz selb Älppli D r â s g m i e l ⁴ jn sinen Marken jro lehen. mit grund, mit grât, vnd slehtz mit / allen zûgehörden zinsfellig. Vnd dannenhin gantzlich von jnen Wider ledig vnd los worden Daz wir darvs vnd damit wol fúro tûn vnd / geuarn múgent, waz vns denn fûgt ân jro selbs, vnd aller mengklichs sumen jêrren widerred vnd ansprach vngeuarlich . . . Wõlten och Er / ald sin erben jemer von disen Erblehen gar oder ainem taile mit verkoffen ald anders gân, Daz sond sú vns,